

184
14

DISSERTATIO JURIDICA
INAUGURALIS
DE
RECUSIONE LIBRORUM
FURTIVA

zu Deutsch
Dem unerlaubten
Bücher-Sachdruck/

QVAM
DEO FAVENTE
AUCTORITATE ET DECRETO
MAGNIFICI ET AMPLISSIMI JURISCONSUL-
TORUM ORDINIS
PRO CAPESSENDIS IN UTROQUE JURE HONORIBUS
AD DIEM BRIS MDCC XXXVIII.

L. H. Q. C.
PUBLICE DEFENDET
JOH. RODOLFUS THURNISIUS,
BASILEENSIS.

B A S I L E Æ.

Typis E. & J. R. THURNISIORUM, Fratrum.

VIRO
AMPLISSIMO, EXCELLENTISSIMO,
CELEBERRIMO,
FRANCISCO CHRIST,
J. U. D.

REIP. PATRIÆ ARCHIGRAMMATEO ET
SYNDICO MERITISSIMO,
SCHOLARCHÆ GRAVISSIMO, AVUNCULQ.
PARENTIS LOCO VENERANDO,
Eidemque Studiorum suorum Fautori summo,



Hacce qualesunque studiorum suorum juridicorum
primitias in publicum grati atque unice devoti
ipsi animi τεμπεστού, d. d.

JOH. RODOLFUS THURNISIUS
Auctor.

Cum duplex ad rerum cognitionem pervenendi via sit, altera, quum nosmetipſi meditatione ſola, & contemplatione mentis, in rerum naturam & causas inquirimus, altera extrinſecus aſcita, quum duellu ac disciplina aliorum, literarum maxime beneficio, quaſi manu ducimur ad rerum jam pridem a multis perceptarum cognitionem; Altera quidem primitiva eſt, & in promptu pofita, ſed præter etatis maturitatem, cum ingenii ſingularem praſtantiam, tum otium ab omni cura vacuum poſtulat, quorum utrumque panceſ contingit, quin & propter vita mortalium brevitatem neceſſe eſt ſciençiam, qua ſola hac via acquiritur, admodum angustis terminis circumſcribi: Altera eo commodior, quod & teneræ etati paulatim pro captu ingenii inſiullat ea, qua cognoscenda ſunt, nec negotiorum ſtrepitum, modo otii intervalla recipiat, omnino excludit, & quod caput eſt, quicquid diſcultatis & moleſtiae inelle poſſit, ubertate & copia rerum abunde compenſat; quippe ſic omnium ſeculorum inventa complectimur, multaque cognoscimus, qua nulla meditatione attingere licet, cuiusmodi ſunt, qua in factis conſiftunt, qua ſcitu nihilominus hiſ, qua meditatio ſuggerit, neceſſaria ſunt, uti res geſtae, dicta, inventa variorum utilia & juuanda, ad perpetuam rei memoriam scriptis comprehensa &c. Merito itaque afferimus, nihil æque ad eruditionem ſibi comparandum conſerre, ac lectionem librorum; Veriſime Thomas Bartholinus (*a*) ſine libris, inquit, Deus jam ſileſ, Iuſtitia quiescit, torpet Medicina, litera muta, omnia tenebris involuta Cimmeriis; Quanvis lubens agroſco, exſtitifſe homines, qui absque lectione librorum egregie docti fuerint, uti teſtatur Cicero (*b*) Ego multos, inquit, homines excellenti animo ac virtute fuſſe, ac ſine doctrina, natura ipſius habitu prope divino, per ſe ipſos & moderatos & graves exſtitifſe fateor; etiam illud adjungo, ſapius ad laudem atque virtutem naturam ſine doctrina quam ſine natura valuiſſe doctrinam. Tales tamen qui fuerunt, ſine controverſia maiores progressus feciſſent, ſi lectionem librorum cum meditatione mentis conjuinxiffeat; Adjuvat enim mirifice meditationem lectio, & quaſi veſtigia quædam, ad veri cognitionem ducentia ſubjicit, multaque accuratius diſquirenti ſuggerit, de quibus alioqui nunquam cogitafſet; Ea vero, qua in primitiva illa ratione, per ſolam contemplationem res cognoscendi, deſiderari diximus, ab antiquissimis temporibus, cordatis viris cauſam prebue-

(a) In Differt, ſua de libr. legend. (b) In Orat. pro Archis.

Librarii vero publici vocabantur illi, qui magistratibus in urbe & provinciis adfuerunt, ut describerent leges, (a) acta publica, (b) &c. Hactenus de Librariis, qui iidem & Bibliopolæ &c. (c) Hi autem vi vocis proprie sunt, qui libros describendos curabant, eosque deinde in tabernis suis expositos vendebant; hique scribas Librarios semper habebant paratos, qui libros recte & accurate describerent: Cujus rei causa & Tryphonem Bibliopolam Quintilianus monet. (d) Multum, inquit, autem in tua quoque fide & diligentia possum est, ut in manus hominum quam emendatissimi veniant. Quo autem errores calami lectorum non offendent, liberque emendatus ederetur, necesse erat ut liber vel ab authore vel alio relegeretur, & cum priori scripto conferretur, de quo Martialis (e)

Septem quos tibi misimus libellos:

Auctoris calamo sui notatos:

Hac illis pretium facit litura.

Probabile autem, si minus certum est, plerosque librorum compositores atque auctores labore suum Bibliopolis pretio vendidisse, qui deinde mercaturam cum scriptis aliorum exercuere, uti hoc Martialis indigitat (f) dicens.

Exigis ut donem, nostros tibi Quinte libellos,

Non habeo, sed habet Bibliopola Tryphon.

Item (g)

Omnis in hoc gracili Xeniorum turba libello,

Constat nummis quatuor empta tibi.

Quatuor est nimium: poterit constare duebus.

Et faciet lucrum Bibliopola Tryphon.

Fuisse autem non Romæ duntexat, sed & in Provinciis jam Trajani temporibus Bibliopolas, constat ex Plinii Jun. Epist. XI. libri 9. Hi itaque Bibliopolæ eorum desiderio, qui virorum eruditorum scripta sibi acquirere vel legere cupiebant, aliquomodo satisfacere poterant; Sed nec hoc sufficiebat, ut frequenti numero studiosorum subveniretur; Requiebatur enī multum temporis & operæ ad describendum librum aliquem magni voluminis, ideo quoque numerus librorum rarissimus, pretiumque enorme saepius erat. (b) Atque ea conditio librariae rei usque ad medium circiter Sæc. XV. fuit.

Quo

A 3

- (a) Vid. Cic. contra Rullum 2. c. 13. (b) Id. Orat. pro P. Sylla. c. 15. (c) Vid. Wower de Polymath. cap. 6. § 15. (d) In epist. ad eum, Instit. Orat. prefixa. (e) Epigr. 16. lib. 10. (f) Lib. 4 epigr. 72. (g) Lib. 13. epigr. 3. (h) Diog. Laert. lib. 3. scribit, Platonem 100. Minis, i. e. circiter 2250. florenis, tres libros Pythagore sibi acquisivisse.

4 (203)

huerunt, ut omnes ingenii vires eo intenderent, ut, quibus possent inventis, difficultatibus in tradenda rerum cognitione obvia iarent; Hinc primum literæ inventæ, inde ad librorum conscriptionem animum applicuerunt, quo nimirum memorie & intellectui nondum exercitato atque instrueto aliorum succurrerent; Verum quam laudabilis hic virorum literatorum scopus erat, tam difficilis videbatur usus hujus ad doctrinam pervenienti per quam apti medi; impossibile quippe erat, ut unicum scriptum sufficeret, omnibus illud legere cupientibus, ita multis exclusis pauci admodum fructum illum percipere poterant; Ut itaque hæc difficultas e medio tolleretur, extitere tandem qui in id innixi sunt, ut multis simul, describindis naviter libris, satis facere possent; hi vero pro navata sua opera mercedem aut premium petiere, indeque orti Bibliopolæ seu Librarii.

Quanquam sunt, qui Librarios a Bibliopolis distinguant, illosque vocent, qui libris describindis operam suam impendebant, hos vero, qui, (sicut ipsum nomen fert), libros aliis vendebant, certum tamen est, antiquos plerumque latinum nomen græco illi substituisse, & utrumque nullo dilectione usurpare. & causa in promptu est, cum iidem essent, qui describendis libris & vendendis operam darent; Frequentius tamen Librarum τὸν Εἰλογάρον, i. e. librorum descriptorem, appellarunt. Quibus vero temporibus primum exstiterint seu Bibliopolæ seu Librarii, parum constat; usitata tamen nomina penes scriptores græcos antiquiores, Εἰελιοτώλης, Εἰελιοδάχνης, κάπηλος τὸν Εἰελιών, (a) occurunt.

Librarii vero Romanorum vel erant privati vel publici; Illi plerumque erant servi, qui dominis suis epistolas & quasvis res describabant, de quibus Cicero filius loquitur (b) sed pero, inquit, a te, ut quam celerrime mibi Librarius mittatur, maxime quidem Gracus, multum enim mibi eripitur opera in excrivendis Hypomnematis. (c)

Cum autem saepius Librarios haberent, qui de literis nil nisi eas scribere norant, hinc natæ querelæ illæ eruditorum, antiquos codices evaluentium atque insipientium, de festinatione, ruditate atque imperitia Librariorum, de quibus Martialis (d) jam conquestus est, dicens.

*Si qua videbuntur chartis tibi Lector in istis,
Sive obscura nimis, sive latina parum,
Non meus est error, nocuit Librarius illis,
Dum properat versus adnumerare tibi.*

Librarii

(a) Vid. Christ. Schöttgen de Librariis Antiquorum. (b) Ad Tironem famili. lib. 16. ep. 21. (c) Vid quoque l. 92. de R. J. ut & Laur. Pignorius de Servis, & eorum apud veteres ministeria pag. 113, 114. (d) Epigr. 8. lib. 2.

6
Quo magis admirandum est veterum studium in excollendo omni genere disciplinarum, quoniam tantis difficultatibus premerentur; Eaque causa potissima videtur, cur accedente ex bellorum calamitatibus continuis, rerum necessiarum penuria, totum fera terrarum orbem, barbaria similis inficitia ceperit. Ut igitur impedimenta haec tandem e medio tollerentur, cordati viri solliciti fuerunt, ut nova excoxitarent media, quibus scripta virorum doctorum, minori opera, breviori tempore, majori numero, moderatiorique pretio haberi possent, caque res opportune divinae plane inventioni typographiae ansam dedit.

SECTIO PRIMA.

De Ortu & Utilitate Typographiae, ut & necessitate illam certis Legibus circumscribendi.

ANte tria circiter secula Typographiam, (de qua tamen varie scriptores sentiunt,) inventam esse, nemo, nisi qui plane in literaria hospes sit, ignorat; Nimirum magna controversia est;

1. Quoad annum, quo primum Typographia excoxitata sit,
2. Quoad urbem, in qua primum tentata, &
3. Quoad Inventoris nomen.

Quod primum attinet; difficillimum est Typographicos epocham certo calcolo figere; Cavendum tamen, ne artis primum excoxitata tempus, cum ejusdem postea productae & foras emissas tempore confundatur; Non enim tota simul nata est; sed paulatim per partes successit, diuque dum formabatur, quasi in utero delituit, donec tanti momenti factus, cui pariendo nonnisi plures anni sufficiabant, in lucem maturus tandem ederetur. Tanta erat molli rem fundare literariam; uti pulchre asserit Maittaire. (a)

Illorum autem accedimus sententiae, qui statuunt anno circiter 1440. artem typographicam mente solum conceptam penitamque (b) anno vero 1457. ematuruisse quasi, (c) & in lucem prodiisse; Quicquid enim ante hunc annum impressorum librorum a quibusdam venditatur, non temere admittendum est ad artem typographicam, referenda enim haec sunt ad aliam plane artem, sculpturam nam. jam diu cognitam, & ciberrimo usu frequentatam; Hujusmodi enim opera tabulis imprimebantur, non typis mobilibus excudebantur; Et ars illa non vere typographica, sed sigillaria potius vocanda

(a) In Annal. suis Typographic. ab init. (b) Id. d. tract. p. 1. Mallinkrot in Tract. de Ort. & progr. Art. Typogr. p. 8. 10. 13. 71. &c. (c) d. Maittaire. d. I. ibique citati.

vocanda est, quæ diu ante typos inventos innotuit, quaque Sinenses usos memorat Bernh. a Malinkrot. (a) Tantum vero abest, ut quis jure suscipietur Typographiae inventæ annum 1440 ab anno 1457. quo prima ejus opera vulgari cooperunt, longius removeri, ut potius mirandum sit tantillo intervallo ad eam perfectionem fuisse perductam, utique si consideretur quantum laboris, tardii & difficultatis fuerit, in variis hanc artem spectantibus instrumentis sibi comparandis, ita ut, afferente ita Besoldo, (b) facile dijudicari non posse, utrum in tanta celeritate ac facilitate pulchritudo, an vero in tanta pulchritudine celeritas & facilitas admirabilior sit?

Ab origine inventionis transimus ad ejus locum & inventores; Artis inventæ gloriam suo Harleum Coßero, Argentina Mentelio, Guttemberg Moguntia afferunt, suos urbs quæque scriptores naœta, quorum auctoritate & argumentis suam causam tueretur; Illorum autem in hac re controversa accedo sententiae, qui urbi Moguntiae, illiusque artificibus, Johanni Guttemberg, Johanni Fust & Petro Schäffer, laudem inventionis adjudicant. (c)

Quantum vero ex hac inventione commodum rei literariae accaserit, quotidiana testatur experientia; Quamobrem nibi sapientiæ solet inter omnia, quæ in usum vita mortalium industria reperit, nihil esse utilius, quam usum literarum, neque ullam artem præstantiorem opificio Typographorum; Quid enim felicius, quam cum eloquentissimis simul & sanctissimis viris, quoties lubitum est, confabulari, neque minus habere perspectum illorum, qui ante tot annos vixerunt, ingenium, mores, cogitationes, studia, facta, quam si multis annis egisses cum illis consuetudinem. (b)

Paucis vero hæc comprehenduntur vulgato disticho.

Imprimit una dies, quantum non scribitur anno,

Et parvo doctus quilibet esse potest.

Verum uti nulla datur ars, nulla scientia, etiam utilissima, quæ non abusu corrupti, aut in hominum noxam converti posset, ita utilissima ars quoque typographica comparata est; de qua jam Lipsius (e) ait: *Typographia bona sine studiorum nutrix, sed audax sapientiæ cupida, & qua non minus vere corruptrix librorum audiet, quam propagatrix.*

Ut itaque utilitas maxima hujus artis typographicæ conservetur, in id præcipue inveniendum est; Ut omnia ea, quæ ad ejus propagationem & exornationem pertinent, promoveantur atque conquirantur, ea vero quæ ad ejus corruptionem aut destructionem spectant, e medio tollantur; Ideoque lucu-

(a) d. tract. p. 2. c. 1. (b) Ab init. lib. sing. de Typograph. ex Bodin Method. Histor.

(c) Vid. d. 1. Mallinkrot. c. 8. & 9. in fine cujusque horum cap. (d) Erasmus in Praef. Tusculan. (e) Praef. ad Lector. in Critica,

Iuculenter apparet necessitas, artem hanc certis legibus circumscribendi, quibus iustis Typographiae cultoribus faveatur, injustis vero frenum aliquod quasi injiciatur, quominus fraudes exercere possint.

Varia vero sunt causæ, quæ labem Typographia inferunt, inter quæ haud minima sane est repetita editio librorum, quam Recusione voeant, ab iis facta, qui id jus non habent; quod argumentum pro ingenii mei modiolo excutere conabor; Totam tractationem autem ita dispescam, ut primum de licita, deinde de illicita recusione & de his, quæ in utramque partem proponi solent, disquiram, novissime media, quibus occurri possit huic injuriæ, subjiciam.

SECTIO SECUNDA. De Licta Librorum Recusione, (Germanice vom erlaubten Bücher-Nachdruck.)

Recusores librorum (Germanice Bücher-Nachdrucker) nobis sunt ii, qui librum jam impressum sive suo sive alterius nomine & impensis recudunt atque iterum edunt; Quatenus igitur recusio hæc licita vel prohibita legibus sit, ex eo intelligitur, an nimirum fiat cum læsione aliorum, nec ne, priori casu illicitam illam generaliter afferimus, posteriori licitam.

Libros vendere, & hoc modo cominodum aliquod sibi acquirere velle, negotium per se licitum scopusque honestus est; Et æquitas naturalis, & commodum societatis, & indoles mercaturæ hoc permittit; verum ejusmodi mediis uti velle, quæ proximum lædunt, res plane indecora simul ac illicita est; Si vero exempla a nobis petantur illorum librorum, qui legitime recudi possunt, varia dare possumus, præcipue vero &

1. Illos recudere licet, qui iu longe remotis regionibus, quibuscum commercium Bibliopolæ nostri non habent, sunt impressi, v. g. in Hispania, Russia, Suecia, Anglia &c. tali enim recusione nemo læditur;

2. Licet recudere eos libros, qui quondam ab aliquo impressi fuere, verum ubi exemplaria venalia amplius non existant, nec is qui primus librum impressit, illum recudere cogitat, vel forsan non potest; hocque modo præstat librum ab alio recudi, quam vero, ut societas literaria tali libro, qui in primis utilis habetur, egeat, præcipue, cum primus libri impressor de danino sibi recusione illato queri non possit.

3. Recuduntur merito jure talionis libri illorum, qui commercium aut potius conventiones & paœta communia, quæ Jus concordatus vocare solent, inter

inter se invicem non habent; Sic e. g. sciendum est, consuetudinem inventerat vel potius conventionem tacitam subsistere inter S. R. I. subjectos & Helvetios, vi cuius, nec his illorum, nec illis horum libros recudere licet; Hollandi autem & Galli, qui conventionem hanc cum Germanis & Helvetiis non observant, minime dubitant & horum & illorum quosvis libros recudere; Talionis itaque jure & Germani & Helvetiæ horum vicissim libros recudunt; nihil quippe tam æquum est, quam ut quis id, quod sibi fieri velit, & aliis faciat, & vice versa.

4. Jure recuduntur & illi libri, qui usi & diuturnitate temporis ita communes facti sunt, ut illorum verus dominus quasi ignoretur; uti auctores classici, biblia &c. verum notandum, textum solum seu tenorem horum librorum legitime recudi, non vero observationes aut exornationes, quas quis forsan suo sumptu textui addidit, hiac quoque injuste quis titulo talis libri, quoniam recuderet, imprimaret nomen viri docti, quem forsan alias remuneravit ideo, quoniam operam suam impedit, ad librum quem impressit a mendis purgandum, quicquid ideo nomen ejus docti libri titulo seu inscriptioni inseri curavit, ut liber studioſis atque eruditis eo magis placeret. Si quoque

5. Editor aliquis enorme pretium libri sui utilis aut necessarii statueret, hancque ob causam a summo Imperante, postulantibus id subditis, admotus esset, ut librum viliore & justo pretio venderet, nec vellet, existimo, sumnum Imperantem, vel ob implorationem ideo a subditis factam, vel ex officio quoque, posse alteri jus concedere librum illum recudendi & æquo pretio venum exponendi, absque ut primus editor de injurya sibi illata legitime queri possit; (a) Hoc enim nisi fieret aut permisum esset, metus foret, ne divina quasi pars typographica in abusum plane converteretur atque sic magis dannum quam commodum proferret; quippe cum nullum hac ratione emolumentum bono publico arte hac accederet, si pretium librorum impressorum excederet, pretium descriptorum librorum.

Verum hac occasione non immerito queritur, quoniam igitur vocetur justum lucrum, quoad librorum impressorum venditionem? Omnes enim quam optime volunt vendere; Hic vero tota res pendet a regulis prudentiæ in omni commercio præscriptis, & ab æquitate vendoris, a sumptibus nimis quos in libri editionem fecit, a spe plus vel minus certa promptæ distractionis; secundum hæc vendor pretium libri statuit, uti e contrario emptor pecuniam aut merces suas erga librum emendum considerat atque perpendit, an utilitas vel jucunditas ex lectione ejus haurienda, pretium, quod pro libro solvit,

(a) Vid. Berger. Elec. Discept. Forens. p. 1099.

10) exæquet; Ex quo apparet, pretium libri statui non posse ex numero pagina-
rum atque chartæ. An autem expediat certum atque justum a summo Im-
perante cuique libro adjudicari pretium, quod venditori transgredi non
liceat, hic porr̄b queritur? & respondeatur affirmative; Quin & afferimus,
hoc propemodum necessarium esse, certe perquam utile fore, quoniam
hac modo cōcētentur Bibliopolæ illi, qui enorme librorum suorum pretium
statuere conarentur.

SECTIO TERTIA. De Illicita Librorum Recusione.

EX propositis sectione p̄cedenti casibus, in quibus libros aliorum recu-
dere licet, facillime patet, quisnam injusti librorum recusoris nomine
veniat, is sc. qui ejusmodi libros recudit, quos recudendi jus non habet,
quique ideo alios recusione sua lādit.

Libri a viris doctis ea mente componuntur, ut exinde commodum &
ad se & ad alios redundet; admodum enim rarus hodie est illorum num-
erus, qui libros gloriæ suæ tantum causa scribunt, edique curant.

Quod autem id, quod docti viri vel meditatione sua excogitarunt;
vel lucubratione industriaque sua excerptum in ordinem digesserunt, illorum
proprium sit, seu ad eos solos jure pertineat, nemo dubitabit; ideoque de
illo libere disponere possunt; Optime vero attingunt tales scopum sibi pro-
positum, si laborem suum ope impressionis edunt atque vendunt, vel edi-
atque vendi curant; Si ipsimet librum edunt ac vendunt, tunc nemini jus
competit illos recusione in venditione turbandi, quoniam (uti modo dictum)
hoc virorum doctorum proprium est, hocque proprietatis jus, plenam ipsi
facultatem concedit, alios a parili illius usu arcendi. Cum vero ob varia im-
pedimenta viri erudit scripta sua per se aut ipsimet nec imprimere nec edere
nec vendere possint, hinc illorum utuntur adjumento, quorum negotium id
est, ut libros vel ipsimet imprimant, vel impensis suis imprimendos curent,
& deinde vendant, hique Editores (Germ. Verleger) vocantur: His offe-
runt erudit scripta sua certo pretio, aut si mavis, honorario, (a) qui sic illa
sibi acquirunt; hocque modo non solum sit traditio proprietatis corporalis
rei, verum etiam plena cessio omnis juris, quod is, qui libri auctor est, in
illo habuit; hæc autem cessio in rebus incorporalibus loco traditionis esse
solet. (b) & hoc pacto Bibliopolæ laborem virorum doctorum legitimo titulo
sibi

(a) Arg. I. 1. §. 5. ff. de extraord. cognit. (b) Vid. Lenz. de action. & nominibus
cessis. c. 3. n. 17.

sibi acquirunt; consequuntur enim ex contractu licito atque permesso jus
quæsum irrevocabile, consequuntur, ut jus manuscripta sibi aquisita im-
primendi soli obtineant, libros impressos tanquam legitima sustentationis
suz media semper omnibus exclusis, & peregrinis & civibus, immo auctori-
bus, a quibus MSS. pretio suo emerunt, vendendi, &, ut verbo dicam, suo
arbitrati ac labitu disponere de iisdem possunt, modo non peccent contra
societatis communis reique literariæ commodum.

Uti autem editor damnum (si forte liber sumptibus ipsius impressus,
ob culpam auctoris, vel aliam ob causam vendi nequit) solus accipit, ita
vicissim æquum est, ut si liber impressus, magno favore omnium acceptus,
æra domino, (uti ait Horat.) meret, vel magno pretio venditur, lucrum
quoque ad eundem solum spectet, neve quis ei id præcipiat. *Secundum naturam*
enim est, commoda cuiusque rei eum sequi, qui habet incomoda. (a) Si itaque
alius, quam is, qui librum a viro docto in MSS. emit, vel primus impressit,
librum recudat, nemo dubitabit, quin rem faciat legibus prohibitam, immo ut
dicam quod res est, furtum committat, (b) dum fraudulenter contrectat rem
alienam lucrificandi gratia; Qua de re Jus divinum & humanum ut &
regulae Politices omnes convenient.

Officia quæ homini secundum legem naturalem quoad rerum proprietati-
tem observanda incumbunt, derivantur ex fonte socialitatis, quæ nobis amorem
& nostri & aliorum commendat; Respiciunt autem hæc officia & utilitate in
proprietary, & securitatem auxiliumque, quod quisque alteri respectu pro-
prietatis præstare debet; Priora officia jus unicuique tribuunt, vi proprietatis
suz, sustentationis suæ & necessiariorum vitæ adminiculorum curam gerendi,
ideoque rebus suis bene utendi, aliosque ab usu illorum arcendi.

Inter varias species vero posteriorum officiorum illa præcipue huc per-
tinet; Obligatio neminem in quieta possessione proprietatis turbandi; nihil
ei nec vi nec fraude auferendi; rei domino in usu rei suæ ne quod impediri-
mentum vel damnum afferas; &c. Neglectio horum officiorum fons est omnis
mali atque perversitatis in societate civili, ac simul criterium certum injusti,
lucricupidi atque insatiabilis animi; Optime hoc expressit Cicero (c) inquiens;
*Detrahere aliquid alteri, & hominem hominis incommodo suum augere commo-
dum, magis est contra naturam, quam mors, quam paupertas, quam dolor, quam
cetera, quæ possunt aut corpori accidere, aut rebus externis.* Nam principio
tollit convictum humanum & societatem. Si enim sic erimus adfecti, ut propter
suum quisque emolumentum spoliet aut violet alterum, disrupti necesse est, eam,
qua maxime est secundum naturam humani generis societatem.

Cum

B 2
(a) I. 10. ff. de R. J. (b) S. I. Inst. de Obl. quæ ex del. nasc. (c) lib. 3. c. 5. Offic.

Cum igitur injustus recusor librorum officia proximum spectantia negligat, quoniam legitiuum rei proprietarium & possessorem illegitimo modo in possessione, & ei adhaerentibus juribus turbat, suum ei auferendo, ut siturque re aliena absque domini concessione, dum libros imprimit atque vendit, quorum vendorum jus alter solus sibi legitimo modo ac certis pactis acquisivit, quid causa est, quo minus dicamus ex haec tenus dictis patere, eam de qua modo egimus librorum recusione jure naturali illicitam atque adeo furtum esse?

Jus divinum positivum seu revelatum cum iure naturae hic ut ubique plane convenit, siquidem utrumque eundem habet auctorem, ita ut alterum alteri repugnare nequeat; hoc, quemadmodum sit voluntas Dei ex sola sibi relicta fana ratione, ex sapienti subordinatione finis & mediorum, quae conservationem & propagationem pacificae atque officiosae socialitatis spectant, concludit; Illud rationem nostram de voluntate Dei verbis expressis clarissime convincit. Exstat autem in Decalogo mandatum, numero octavum, ita sonans; *Ne fureris: convenient quoque inter omnes Theologos* (a) *quod tune quoque furtum committatur, quando proximo damnum infertur, aut id agitur, ut alter damnum in re sua sentiat, aut si ab eo damnum, si possis, non avertas.* At vero perspicuum est, illos quos diximus librorum recusores eum tantum scopum habere, ut damno proximi ditentur, sicutque proprietati legitiuum fraudent, quod genus furti est, ut nunc silentio prætereamus mandatum Decalogi decimum quod omnem alieni commodi appetentiam damnat. Quam in sententiam facere non possum, quin adducam verba Ahasv. Fritschii: (b) *Certe, inquit, cum alterius jaætura seæ locupletiorem reddere, ipsi etiam gentilibus injustum & intolerabile visum est, quidni Christianis deberet esse turpe & ignominiosum; persuasum sibi habeant ejusmodi lucricupidi librarii vel Typographi, quod ex ejusmodi re non tam lucrum & benedictionem, quam maledictionem & damnum haurire possint.*

Quod vero recusio librorum, de qua hac sectione agimus, etiam de Jure Civili illicita sit, apparet primum ex eo, quod leges civiles in æquitate naturali fundatae sunt, i. e. inconcessis fundamentis legis naturæ.

Ex notissimis autem regulis seu præceptis civilibus fundamentalibus, quæ ex iure naturæ desumptæ sunt, unicum ad confirmandam sententiam meam adducam, sc. *unicuique suum tribue.* (c) Quod si enim unicuique suum est tradendum, necesse quoque erit, ut ab alieno manus abstineamus, hoc est, res alterius non attentemus aut minuamus, ut patiamur unumquemque rebus

(a) Inter alios Magn. Catechism. Lutheri fol. 194. a. b. 196. a. Mengering in Scrutinio Conscient. lib. I. cap. II. q. 139. (b) In tract. de Bibliop. c. 5. n. 10. (c) §. 3. Inst. de J. & J.

rebus suis uti, ut reddamus quod alienum apud nos est; uti Celeberr. Vinnits hoc præceptum juris optime explicat. (a)

Leges civiles itaque prohibent quenquam cum alterius damno locupletari. (b) Quod autem hic solus iniquorum recusorum scopus sit; nim. ut cum damno alterius locupletentur, superius jam dictum est, itaque hoc sufficiat ad probationem, recusionem sc. de qua haec sectione sermo est, de Jure civili esse illicitam. Quod autem de eodem jure furti nomine appellanda sit, apparet ex l. I. §. ult. ff. de furt. ubi Paulus Jurisconsultus sequentem furti definitionem dat; *Furtum est contrectatio rei fraudulosa, lucrificieudi gratia, vel ipsius rei, vel etiam usus ejus, possessionisve, quod lege naturali prohibitum est admittere.*

Ex hac definitione Pauli videtur est, non solum ablationem rei corporalis aut mobilis, verum etiam interversionem juris, quod alicui in re aliqua competit, furtum esse; præcipue autem mentio hic fit speciei furti, quæ furtum usus vocatur; Committitur autem furtum usus, quando quis rem forsan non aufert, verum illam in aliun usum ac a domino aut proprietario concessa est, contra voluntatem proprietarii vertit, lucrificandi gratia, & de hoc acepienda sunt verba Pauli (c) quando dicit; *Qui aliena re invito domino usus fit, furtum facit.* Oportet porro illegitimum libri recusorem, antequam recudat aliquem librum, exemplar illius tenuisse, & proinde justo titulo sibi a vero illius domino acquisivisse; verum, qua intentione, quæso, dominus librum in taalem transtulit, nisi ea, ut vel si velit lectura vel commerci distractione, aliove modo licito illum in usum suum vertat, nequam vero ea mente, ut illi simul jus concessum velit, librum recudendi, & hoc modo injustum lucrum captandi; Cum itaque haec recusio fiat absque domini consensu, dum in aliun usum liber a tali recusore vertitur, ac a proprietario ipsi concessum est, quis dubitat tali recusione furtum de Jure civili fieri?

Restat ut adhuc paucis demonstremus recusione de qua sectione hac agitur, salubri Politia atque adeo civili prudentia quoque adversari; hoc autem apparebit, quando consideramus politican prudentialia versari circa gubernationem atque institutionem actionum suarum & alienarum, ad securitatem & utilitatem potissimum publicam. (d) Publice autem quam maxime interest cives habere doctos, rerum peritos atque sapientes viros. Cum vero (uti jam diximus) lectio bonorum librorum ad eum finem necessaria sit, librorum utilium conscriptio aut compositio autem editione hac furtiva im-

(a) In Comment. ad Instit. tit. de J. & J. §. 3. (b) I. 206. de R. J. (c) In l. 40. ff. de furt. (d) Paffend. de Tur. Nat. & Gent. lib. I. c. 2. §. 4. ab init.

pediatur, nihil obstat, quo minus ex nexu harum propositionum, quarum una ex altera necessario fluit, concludamus, librorum recusionem, quæ illorum compositionem & in vulgus editionem prohibet, etiam salubri Politiae adversari; utpote quæ postulat, ut eam cum hominibus vita rationem instituamus, quo vita communitas felicitati humanæ, maxime autem societati civili, in qua vivimus, adjumento sit, & quod honestate præstat efficiatur. (a) Quod autem certum sit, recusionem (de qua hac sectione loquimur) impedit librorum meliorum in vulgus editionem, facillime probari poterit, dummodo consideremus, libros (uti jam dictum) a viris doctis hodie non eum insinuam tantam conseribi atque edi, ut vel gloriam suam augeant, vel commodum publicum remque literariam promoteant, verum ut etiam laboris fructum & utilitatem aliquam percipient. Quisquis itaque auctor est alicujus libri, in id innitur, ut laborem suum justo pretio Bibliopolæ vendat, nec aliter in vulgus exire patitur. Bibliopola quidem laudabit opus auctoris, si bene conscriptum est, verum summo suo periculo magnum pretium pro illo auctori expendere nequit; quippe quoniam sumptus, quos in acquisitionem libri facit, mox ipsi perituri sint, siquidem paulo post impressionem a se factam libri, alter forsan furto illum recudet, atque ob eam rem viliori pretio vendet, & vendere poterit, quoniam ab impensis quas primus impressor ratione auctoris libri habuit, immunitis est; hocque modo Bibliopola probus, qui modico lucro contentus, literariæ rei commoda promovere vellet, deterretur, ne in posterum cujusquam etiam doctissimi viri opus sibi acquirat, ut edat, nisi hoc vilissimo forsan fieri possit pretio; Quod si autem labor atque meditatio virorum doctorum tam vili penditur, nemo illorum existet, qui de rebus Reipubl. commodum & bonas artes spectantibus libros conscribere cogitet, aut si forsan aliquis meditationes suas litteris mandabit, attamen illas majoris estimabit, quam ut vili pretio Bibliopolæ vendat, verum possum, ut pro dolor! sapius factum est, & quotidie fieri solet, intra privatos parietes custodiet, aut solis discipulis, cognatis, aut amicis illas legendas concedet, ita ut major orbis litterati pars, fructu, qui ex his percipi posset, careat; hocque modo multæ præclaræ meditationes inventaque virorum doctorum intercidunt ac putrescant, quod certe haud minimata rei litterariæ & per consequens publicæ affert jacturam; cum e contrario facilitas libros, qui bene doceque ad discendas scientias artes atque disciplinas conscripti sunt, justo pretio sibi acquirendi, multos ad easdem artes ac disciplinas vel discendas vel etiam profitendas invitaret atque aliceret, qui alias tot difficultatibus absterrentur; Concludimus itaque ex dictis, recusionem librorum alterius salubri Politiae quoque esse adversam.

SECTIO

(a) Vid. Winckler in Instit. Philos. Wolffian. Part. 4. seu de Politic. §. 2932. & sq.

SECTIO QVARTA.

Contra rationes bucusque tam ex jure divino quam humano prolatas, quibus probuvimus recusionem librorum alterius illicitam esse, vulgo adferuntur sequentes objectiones, quas omnes & singulas pro virili refutare conabimur.

I. Primum quod adversarii sententia nostræ in partes suas trahere conantur argumentum, est illud; quando nim. afferunt, recusionem librorum esse e re publica; quoniam libros viliori pretio vendant recusores, quam primi impressores, quodque ita libri utiles, qui difficulter ante haberi potuerint, magno numero in vulgus edantur, eoque modo pauperrimo cuique copia fiat, quæ alias solis divitibus competit; Accusant insuper primos librorum impressores summæ iniquitatis, quod libros carius vendant: e contrario operam suam summis effundunt laudibus, quod christiano more, justo contenti pretio, multo minoris eosdem libros vendant. Hæc si obiter considerentur, speciem veri habere videntur, verum si debito modo ponderantur, apparet sophistica clarissime. Illegitimi librorum recusores liberales sunt ex alieno, quam ob liberalitatem suam gloriari velle, perinde est, ac si elaborationem ex aliorum bonis te efferas; falcam enim in alienam messem inferunt; hinc minime mirandum est, illos libros suos multo minori pretio vendere posse, quam justum atque legitimum libri dominum, impensa enim, (uti jam aliquomodo dictum) sunt perquam dissimiles; Legitimi impressores summam pecunia auctori pro labore suo solvere, sumptusque in chartæ & literarum acquisitionem facere coguntur, dum adhuc incerti sunt, an liber, quem edendum suscepit orbi eruditio sese probaturus sit; Etenim habent sua fata libelli; Illegitimus vero libri recusor nullas in pensas facit, nisi quas impressio exigit libri, & sine ullo suo periculo imprimit, dum librum non temere aliud, nisi albo jam doctorum probatum recudit, contra vero, quoniam legitimus editor haud raro in libro minus probato daminum accipiat, æquum est, ut illud aliunde compenget, & aliud a se in pressum librum aliquantum carius vendere possit; Quod si itaque estimatio periculi, quod in se suscipit Bibliopola probus, & sui & boni publici causa, cum diminutione pretii, quæ injustus recusor Reip. se juvare prædicat, conferatur, certe æquus ac probus estimator videbit, libri a recuatore illegitimo venditi pretium æquius tantum videri, non esse; quænam enim hæc est argumentatio? Fur merces furto ablatas viliori pretio vendere potest, quam probus mercator, ergo furfum est licitum; aut prædonies, e. g. Tamerani, minori pretio merces vendunt quam Veneti, quibus illi merces furto abfluerunt, ergo latrocinia prædonum licita censenda sunt; certum est igitur, vilitatem pretii nihil facere ad defensionem recusoris illegitimi.

Revera

Reverā autem mājus dāmmū ex illicita recusione infertur Reipubl. literariæ, quam cōmodum, eo, quod (uti jam dictum est) recusor iustus in causa est, ne in posterum eruditorum opera eadem facilitate edantur, quam vero ederentur, si metienda non esset recusio frātidulenta.

Quod porro antagonistæ dicunt, recusione libros ante vulgo incognitos raroque inventu, in vulgi manus venire, id valde infirmum est argumentum ad defendendam ipsorum sententiam; nam si recusores pro uno scopo suo haberent bonum publicum, tunc vel alios libros utiles similiter ab ipsis auctōribus potius edendos redimerent, vel periculum facerent imprimēndis libris, iam quidem olim impressis, verum rarissimis, quorum proprietarius nullus jam extat, qui eosdem recudere velit; sed malunt illi p̄fensi lucro suo posthabentes bonum publicum, ejusmodi libros recudere, in quibus minimum periculi facere possunt, malunt iusta fraude tales libros in dāmmū legitimorum dominorum recudere, ex quibus, utpote jam opinione communī probatis, luerum certum sperant.

2. Improbi recusores ad defendendam causam suam porro afferunt; Neminem jus perfectum sibi acquirere librum quemcunque exclusis aliis edendi, quoniam libri ipsa editione in vulgus quasi juris publici sunt facti; Verum ut concedamus illis esse juris publici factos, an exinde sequitur, ergo unicuique illos imprimere licet; Unusquisque quidem jus habet libros emendi, legendi, alienandi utcunq; &c. verum non item recudendi; liber quippe quem justo titulo ab auctore acquisivi, & impensis meis imprimi curavi, meus est cum omni fructu & emolumento, quod inde in rem meam vertere possum, velut si quis fundum emit, cum omni spe reddituum in omnē zēnum; hancque proprietatem nemo jure probabili sine consensu meo mihi recusione adimere aut corrumpere potest; hoc vero adversariorum sophisina, quod nim. libri sint publici iuri, sedem suam habet in illa nimis generaliter accepta sententia, commercia esse libera, per consequens quoque librorum commercium; hincque inferunt, quod, uti mercator easdem, quas videt alium mercatorem lucrificandi gratia vendere merces, itidem vendat, simileque commercium exercet, ita quoque unicuique liberum esse, quoscunq; velit libros imprimere aut imprimi curare atque vendere; sed uti ille mercator, qui alterius mercatoris merces invito eo fraudulento modo arriperet, & cum iis commercium exerceret lucrumque sibi acquireret, non mercatoris sed furis nomen mereretur, ita quoque ille, qui cum mercibus seu libris, quos alius Bibliopola sibi justō acquisivit titulo, invito eo seu proprietario recusione negotiaretur, furtivi editoris nomen meretur; nam unicuique quidem licet negotium librarium exercere, sed quod propterea liceat, eum qui

jus quæstum atque proprium habet librum aliquem imprimenti, in jure suo turbare dāmmū ei ea ratione inferre, negamus; sequeretur enim jure commerciorum licere unicuique, mercatoris alicujus merces arriperere, illasque in usum suum vertere contra voluntatem proprietarii, (quod Celeberr. Gundlingius Philosophiam bovinam (Ohsen-Philosophie) vocat. (a)) Hucusque autem nemo, uti autumno, commercii jus atque libertatem extendet, quod omnino fieret, si statueremus, recusione librorum, eo modo, quo antagonistæ nostri contendunt, publici juris esse, imo si hoc concederemus, nec recusor improbus justam conquerendi causam haberet de iis, qui quoscunq; velint libros ex librairie ejus taberna arriperent, verum uti hoc ipsi iniquum videretur, ita non minus iniquum est factum impreborum recusorum, ambo enim casus in uno convenient, nim. in eo, quod alter alteri suum fraudulenter atque iusto modo eripit.

3. Provocant antagonistæ nostri ad consuetudinem, & in usum suum conferunt dictum celebris alioquin Jurisconsulti (b) afferentis. *Iisdem moribus utimur atque vivimus hodie, cum nemo securus sit, librum ab alio recudi, nisi privilegio principis munitus sit, consuetudinis etiam hic vis est maxima.*

Verum non satis mirari possum, cur hic celebris alioquin Jurisconsultus ejusmodi arguento utatur; Quænam enim hæc foret ratiocinatio; iuste aliquid ab Anglis, Batavis, Gallis aliisve, quibuscunq; vel omnibus Gentibus per diuturnum tempus committitur, ergo eo jam æquum est atque justum; An Virum Celeb. latere potuit dictum Pauli Jurisconsulti? dicentis, (c) *id quod ab initio vitium est, tractu temporis convalescere haud posse.* An illum latere potuit? *consuetudinis ususque longævi tantam non esse auctoritatem, ut aut rationem vincat, aut legem.* (d) Quot exinde sequerentur absurdia? Hodie furtæ, homicidia, mendacia, adulteria sæpiissime exerceantur, maximaque harum rerum est licentia, proh dolor! ergo omnia hæc illiciti in se nihil habent.

Restant adhuc aliae quadam rationes, quas antagonista sententia nostra professe facere credunt, verum illas sequenti sectione aptius examinabimus, ns bis idem agamus.

C

SECTIO

(a) In seinem Rechtlich- und Vernünftigen Gedanken vom schändlichen Nachdruck anderer gebürtiger Bücher. §. 13. (b) Ludwig Präf. ad reliq. MSS. (c) I. 29. ff. de R. J. (d) I. 2. C. quæ sit longa Consuet. c. ult. X. de Consuet. c. 8. X. de scateng.

SECTIO QVINTA.

Continens variarum quæstionum hanc tractationem
spectantium resolutionem.

Libri quibus improbi recusores insidiantur vel sunt privilegiati, quibus a principe vel superioritate territoriali habente speciale privilegium concessum est, ut sub certa poena a nemine subditorum intra certum aliquod tempus excudantur; vel non privilegiati;

An privilegiatos intra tempus, quo privilegium viget, unicuique recudere liceat, superfluum est querere, nam si nulla negationis ratio adesset, sola haec sufficeret, quod voluntati superioris refragari nefas sit.

An vero unicuique non privilegiatos libros recudere liceat, a variis varie agitatum est; alii quippe affirmativam, alii negativam amplexi sunt; posteriori nos sententiam, tanquam justam, et quam & honestam haud absque rationibus, uti hactenus commonistratum est, ulteriusque commonistrabitur, probamus.

Antecedenti sectione diximus, restare adhuc aliquid refutandum, quod antagonistæ nostri proferre solent; compmode autem hoc refertur ratiocinum illorum, quando ajunt;

1. Qui jus quæstum habet, non indiget privilegio; cum igitur Bibliopolæ magnis sumptibus privilegia sibi comparent, sequi, illos antea jus quæstum non habuisse librum cum exclusione aliorum imprimendi; (a) Verum hoc ratiocinium facillime refutatur:

Privilegia in se spectata non magis necessaria sunt, ac leges civiles contra furtum; natura cuique innoscit officium unicuique suum tribuendi & relinquenti; cum vero malitia hominum etiam fortissima juris naturalis vincula disrumpat, & hac ratione multæ externæ turbæ in societate humana orientur, opus est, ut huic rei iussu superioris obveniatur; haud alia enim causa petendi privilegii erat, quam fraudulenta insidiatio improborum recusorem; hanc quoque ob causam suo jam ævo Erasmus Roterod. Celebr. ille Vir hoc consilium dedit famosissimo civitatis hujus Bibliopolæ Frobenio (b) sequentibus verbis. *Plerique, inquit, insidiantur homini propemodum conjurati, ut eum perdant, ubi quid novi operis prodit, quod putant fore vendibile, mox unius atque alter suffuratus ex ipsis officina exemplar excludit ac venditat minimo; Interim Frobenius immensam pecuniam impendit in castigatores, frequenter & in*

(a) Vid. Celeb. a Ludewig. Præf. ad reliq. MSS T. I. §. 41. p. 132. (b) Apparet hoc ex literis quas dedit Erasm. ad Wilibald. Pirckheimer, qui tunc temporis A. 1522, in Aula Imp. Caroli V. degebat.

exemplaria; huic iniuritati facile succurreretur, si foret Imperatorum Editum, ne quis librum a Frobenio excusum, aut cui sit aliquid ab auctore additum, excudat intra biennium; tempus longum non est. Officina Frobeniana vel ob hoc favore digna est, quod nihil ex ea ineptum prædit, aut seditionis.

Acquisitio itaque privilegiorum nihil novi juris confert legitimo domino, sed ad juris ipsi jam acquisiti conservationem pertinet, id quod præcipue patet ex Celeberrimi Carpzovii sequentibus verbis. (a) *Cum Bibliopolæ sumptibus non minimis libros excudere faciant, quorum satisfactio & lucrum, quod inde sperant, in multis sepe differtur annos, quandoque etiam si libri impressi raros inveniant emptores, non parum inde danni marsupiis eorum accedit, invideendum certe ipsis non est, si provide agant, seque certo privilegio muniant; ne forsitan aliis quis eosdem libros typis imprimere curet, neve Bibliopolæ exteris eos alibi impressos, venales importent.*

Ex eo autem quod justus dominus libri alicujus nullum impressionis privilegium obtinuerit, ne minimum quidem jus accrescit recusori injusto; privilegia enim eum duntaxat in finem acquiruntur, ut litis decisio acceleretur; privilegiatus quippe paratam habet executionem adversus conantem se in quieta possessione sua turbare; pena est certa & gravior; auxilium efficacius; atque insti-tuta quoque actione non opus est, ut id quod mea interest una cum damnno dato petatur & recuseatur, aut ejus aestimatio arbitrio judicis relinquatur. (b) Imobreviter ita argumentor: ubi confirmatio juris adest, ibi jus jam adfuisse censemur, quod confirmatur; non entis enim nullæ sunt affectiones, ergo si superior privilegio suo jus alicujus confirmat, librum exclusis aliis imprimendi, sequitur necessario, illuni ante concessionem privilegii jus exclusis aliis librum imprimendi jam habuisse.

2. Quaritur, an cum privilegia ad certum tempus concedantur, jus privilegiatorum finito eo tempore extinctum fit, nec ne? Ad hoc respondemus, quod finito privilegio, dominus libri nihilominus semper jus conservet, illum cum proprietatis exclusivæ jure sub prela revocandi, etiamsi enim superiori forsitan non placeat privilegium prolongare, non cessat tamen jus, quod libri domino antea competuit; alias sequeretur absurdum, quod modo demonstratum est, privilegia nempe demum jus concedere domino; præterea revocatio privilegii tendit tantum ad obvenientem forsitan abusum tollendum, (c) testatur & contrario experientia, quod si nullus abusus fiat, privilegia ad tempus concessa, facta debita imploratione renovari atque in longiore diem concedi, quod certe non fieret, nisi dominus jam ante jus in re habuisset; ex hoc quoque

(a) In Jurisprud. Confistor. lib. 2. def. 414. n. 1. sq. (b) Vid. Respons. Juris Facult. Lips. apud Berger, in Elect. Discept. forens. p. 1099. (c) Vid. Carpz. I. c. def. 415. n. 12,

3. Apparebit, quid de illa quæstione dicendum sit; An jus, quod domino libri competit alios a recusione arcendi, *Monopolii* nomen mereatur, nec ne? Negativa nobis magis arridet, sequentes ob rationes: Monopolia definiuntur, quod sunt negotiations, quibus quis commercia alias communia soli sibi vindicat. (a) Ipsa hæc monopoliorum definitio contradicit antagonistarum nostrorum sententiaz; quis enim contendet, facultatem librum aliquem imprimendi, quem imprimendi jus solus quis sibi justo titulo acquisivit, posse vocari commercium aliis commune? quod alicujus proprium est, id extra omne dubium in communionis statu amplius non est; cum vero superius démonstratum sit, quod is qui justo titulo atque pacto librum aliquem sibi acquisivit, ejus dominus atque proprietarius fiat, hinc sequitur nemini alii jus aliquod in eandem rem competere; Tunc demum monopolii nomen mereretur actio Bibliopolæ alicujus, si omnes libros solus in civitate, in qua degit, imprimere atque vendere conaretur, aliosque ab eodem commercio aut jure, libros imprimendi atque vendendi arcere vellet; sed hæc huc non pertinent.

Verum posito (sed non concessso) hanc actionem Bibliopolæ mereri, ut vocetur actus monopolii, an non notissimi juris est, quod etiam hæc monopolia, si utilitas publica hoc suadeat, licita sint? (b) Quod autem in casu nostro utilitas publica hoc requirat, indigitat Celebr. Carpov. ajens: (c) *Utilitati Reipublicam monopolia in genere prohibenti opponimus aequitatem in jure naturali fundatam, qua non admittit, ut quisquam alteri noceat malitiose, quod sane fieret, si Bibliopola, qui imprimendo aliquod scriptum, multos erogaverit sumptus, ut aliquando lucrum & commodum laboris sui sentiret, alterius Bibliopola facto, spe sua frustraretur, & in paupertatem inopinatam conjiceretur, ex quo demum incolis ac civibus ad inopiam redactis, ipsi civitati ac Republicæ ruina acceleraretur, quod tamen maximopere præcavendum, e contrario utilitas publica omnibus modis promovenda.*

4. Quæritur, an illis, qui privilegium a superiore de libro quem recuderunt, obtinuerunt, verum illegitimo modo, sub & obreptitie, (uti ajunt) profit privilegium suum? Respondeatur negando. Autumant quidem tales se 1. justam præ illis habere prælationem, qui de libro suo nullum plane privilegium obtinuere aut petiere. 2. Eos quoque qui antiquius privilegium super librum aliquem habent, suo privilegio sub & obreptitie impetrato excludere cupiunt; sed re penitus inspecta, utriusque iniqüitas apparebit;

1. Patet ex legibus tam naturalibus quam civilibus, privilegium, quo alteri nocetur, concedi alteri non posse; (d) Nemo unquam principum aliter sensit;

(a) Lüder Menck. Theor. & Prax. Pandect. I. 18. tit. I. §. 8. p. 393. (b) Vid. Brunne-mannus in Cod. ad tit. 59. lib. 4. n. 5. C. de Mopol. (c) In Jurisprud. Consist. I. II. def. 414. n. 9. 10. II. (d) Vid. Wernher. Observat. Forens. Vol. III. P. IV. O. 117. p. 294.

principes enim sunt Patres Patriæ, amant æquæ omnes & singulos suos subditos, & omnimodo id curant ut communem illorum utilitatem promoteant, societatemque conservent quietam; hæc autem cura, quæ uniuscuiusque subditi bonum æqualiter respicit, ipsis non permittit, ut concedant privilegia atque immunitates, quibus unius commodum alterius damno promoteatur; Imp. Theodosius atque Valens olim jam de hac re animi cogitata patefecerunt, dicentes, (a) *Rescripta contra jus elicta, ab omnibus judicibus refutari præcipimus: nisi forte sit aliquid, quod non lœdat alium & petenti prospicit.* Ex hoc concludunt omnes æqui amantes Jurisconsulti, quævis privilegia tacite hanc clausulam continere, *salvo nim. jure tertii.* (b) Privilegia autem, (uti superius jam dictum) nil sunt nisi confirmationes jurium, quæ competit Bibliopolis, in libris suis; recusores improbi ante impressionem jus in illis nunquam habuere, ergo privilegium id ipsis concedere nequit. (c)

Quod vero 2. attinet, ubi improbi recusores securos se credunt ab actione legitimi impressoris ob novissime impetratum privilegium suum: respondemus hoc nullo modo procedere; nam de superiore tanquam eo, qui iustitia defensor censemur, præsumi nullo modo potest, illum idem duobus concessisse atque concedere voluisse & potuisse. (d) Quotidiana tamen experientia testatur, talia privilegia peti & impetrari solere. Sed quanquam habebunt viam quando in petitione illorum veræ circumstantiae dolose celantur? In unaquaque bene constituta Republica fundamenti loco quoad leges & decreta superioris ponni debet id, quod Imp. Zeno requirit, quando dicit; (e) *Universa rescripta, sive in personam præcantum, sive ad quemlibet judicem manaverint, sub ea conditione præferri præcipimus; si precer veritate nitantur:* Celebertimi itaque Jurisconsulti in eo conveniunt, quod ille qui sub & obreptitie privilegium alterius librum imprimendi obtinuerit, justo domino nihil præjudicet; (f) haud equidem ignore, improbos recusores in commodum suum interpretatores esse sententiam quorundam Jurisconsultorum qui autumant, superiori vi summae potestatis atque Juris Majestatici competere jus, simile privilegium duobus vel pluribus concedendi, etiamsi forsan alter grave damnum exinde sentiat; Verum credo hos Jurisconsultos nimium tribuere superiori; Pii enim atque sapientes principes aut superiores non desiderant, ut fines & regule nimium extendantur, & quidem talem potestatem, quæ & divinas & humanas leges tollit, sibi arrogare quis sustineat? nolunt legibus suis obligationem,

(a) I. 7. C. de Prec. Imp. offerend. (b) Vid. Trentacinquius Var. resol. c. 7. (c) per. S. I. Sectionis hujus. (d) Vid. Leyseri meditat. ad ff. T. I. Specim. X. thes XI. pag. 14. (e) I. 7. C. de diversi. rescript. (f) Vid. d. Respons. Facult. Jurid. Lips. apud Berger. c. 1.

quā quisque legibus divinis obstrictus est, tollere, probe enim sciunt, leges naturales esse normam, ad quam actiones atque leges suas accommodare & ipsi debent; Ex eo autem quod forsan ob rationes rarissime concurrentes hoc a superiori sensu aut iterum factum sit, nemo sanus certe argumentabitur, propter hanc a regula exceptionem, regulam ipsam antiquandam esse, vel omnino præjudicium inde consequi.

5. Quæritur, an nimis privilegium impressorum ab Imperatore Bibliopolæ concessum, a Statu quodam Imperii tolli possit? Decidimus hanc questionem verbis Celeb. Strykii, dicentis. (a) *Non puto privilegium impressorum ab Imperatore concessum, a Statu quodam Imperii tolli posse, nisi sentiat inde incommodum quoad subditos sui territorii, si enim hi libro opus habeant, & ab editore pro justo pretio exemplaria sufficientia habere nequeant, nil vetat, quo minus princeps in suo territorio alicui indulgere possit, ut typis in utilitatem provincie idem liber subjectatur; si enim LL. universalibus derogare valent Status, utilitate subditorum id exigente, cur non possent juri alterius singulari; sed intra territorium hac potestas restringenda, ut si alibi venum exponatur, panas Imperioris privilegio insertas expectare habeat venditor.*

6. Quæritur, si quis librum ab alio editum, insigniter auctum recudere velit, an hoc jus ei concedat librum vel privilegium vel non privilegium priore editoris præterito, recudendi? Respondetur negando utrumque; 1. enim augmentum libri non habetur pro novo libro, sed pro accessorio, quod principale sequitur; & 2. reculores improbi, quasvis fraudes hoc prætextu tegere & defendere possent.

7. Quid ergo? an propter commodum vel pertinaciam priui editoris reipublicæ literariae eruditissimis & utilissimis alicuius observationibus & annotationibus in librum cliuem carendum erit? Respondetur minime. Nam vir doctus qui observationes atque annotationes in librum aliquem fecit, poterit illas justo pretio legitimo editori offerre, simulque ei indicare, quod, nisi illas emere velit, alii venditurus sit. Quo facto sibi habere debet legitimus editor, si aliis illas sibi acquisiverit, atque edi curet; verum hic probe notandum, auctorem observationum solum jus observationes suas, non vero etiam textum aut tenorem libri una cum observationibus suis edendi vendere posse; & hoc modo nec editor textus, nec editor observationum libri læditur, siquidem multi emunt observationes propter textum, & itidem multi textum aut tenorem libri propter observationes. Excipiuntur tantum ii libri, qui, licet multa aliqui utilia contineant, ita mendis & erroribus turpisissimis nihilominus referti sunt, ut Reipublicæ literariae omnino interficiantur, eosdem emendatius & castigatius recudi.

8. Sed

(a) in usu mod. T. I. I. T. 4. §. 2. p. 25.

8. Sed quid si dicatur, incommodam fore eruditis separata lectionem textus & observationem, cui incommodo conjunctim facta impressione facile occurri posset, hocque simul medium esset plures editores reperiendi? an non igitur in gratiam orbis eruditæ & insignis utilitatis causa, conjunctim illud opus citra legitimi ejus editoris injuria, imprimi poterit? negatur. Commodum enim eruditorum & utilitas typographi alicujus, justæ causæ non sunt, legitimum libri editorem in jure suo turbandi, ex commodo enim aliorum & emolumentis quorundam jus metiri haud solemus; *Qui autem omnia metiuntur emolumenitis & commodis, neque ea volunt præponderari honestate, hi solent in deliberando honestum cum eo quod utile putant, comparare, boni viri non solent.* (a)

9. Haud aliena quoque hoc loco est quæstio hæc; si quis librum aliquem præstantem jure suo recudere posset & vellet, plurimosque jam sumptus in eam rem fecisset, sed vel ante quam consilium suum publice declaraverit, vel post factam publicationem & cœptam forsan impressionem ab alio quodam e regione concordanti præveniretur; quæritur quid liceat? Respondemus extare hoc in casu confuetudinem typographorum receptam, qua simul ac aliquis resciscit alterum eundem secum librum recudere, petit ab eo, ut sibi indicet, quoque jam in impressione operis pervenerit, ipsumque vicissim certiorum facit, quoad ipse in impressione eademi progressus fit, quo utrinque comperto, ei qui longius progressus est, alter cedere tenetur; hic vero, qui impressionem continuat, alterum de sumptibus in impressionem jam factis indemnem præstat, eo quod ipsi certum numerum exemplarum (pro ratione sumptuum quos habuit) post impressionem factam, gratis concedit, sed hic probe notandum, hoc ita tantum procedere, si sumptus utrinque bona fide facti sunt, i. e. si neuter sciverit, alterum librum jam imprimere; quod si enim sumptus ab aliquo eum solum in finem facti essent, ut (quemadmodum multis hoc facere moris est hodie) prætextu eorum jus aliquod tanquam ex occupatione legitima prætendere possit, licet probe sciat impressionem ab altero vel declaratam vel jam cœptam fuisse; tunc typographi vi confuetudinis ejus, quam dixi, auctoritate superioris hominem eo adiungunt, ut ab impressione desistat, & in poenam delicti sui, sumptus quos fecit sibi habeat; alioquin enim, nisi hoc fieret, fraudi ac malitia fenestra patesceret, & concederetur, ut dolo suo quis conditionem suam reddat meliorem, aut dolosa hac occupatione, alterius qui bona fide sumptus suos & industrias in rem contulit, intervertat justam occupationem; Ejusmodi enim ingenio qui sunt, ut Ciceronis utar verbis, (b) *a Diis constitutam inter boni*

(a) Vld. Cic. Offic. lib. 3.

(b) Lib. 3. Offic. c. 6.

homines societatem evertunt, cuius societatis arctissimum vinculum est, magis arbitrari esse contra naturam, hominem homini detrabere sui commodi causa, quam omnia incommoda subire &c.

Si vero neuter ex illis, qui librum aliquem recuderunt, rescivit alterum jam recudere librum, sive bona fide impressionem uterque ad finem perduxit, ut alia infortunia hoc quisque aequo animo pati debet typographus.

10. Denique cum nostro demum seculo nova & ad promovendam bonorum librorum editionem peropportuna ratio in Anglia primum cooperit, ubi nimirum intercedente pacto inter editorem & emptores, his prænumerata parte pecunia de libri edendi exhibitione ipsius chirographo caveretur; dubitari hoc in casu posset, annon ea ratione compensatis per subscriptores impensis, cum accessione lucri forsitan non contemnendi, editor in reliquum tempus dominium amittat, & libri ejus, qui ea via exiit, edendi copia omnibus deinceps fiat, quippe cum hic cesset omnis damni futuri apericuli metus, siquidem de his satis editori pecunia prænumeratione cautum est, ut coqueri de recusoris facto non possit? Respondetur breviter concedendo, quod quidem hoc pacto inetus futuri periculi sublatus sit, verum ex eo evinci non potest, quin id quod meum semel fuit, perpetuo meum sit, illutque nisi nemo, nisi qui furti se alliget, invito me correctare atque auferre possit; sive enim emptionis sive occupationis duntaxat, aliove titulo legitimo primus editor dominium libri semel acquisivit, hoc jam sufficit, ad quosvis alias ab usu rei ipsius arcendos, uti hoc abunde iam a me supra probatum existimo; accedit huc, quod ipsa hec iteratione editionis spes, plerumque partem lucri præcipuum, quod editori credit, constituit: ut brevitatis studio silentio præteream alia argumenta, quæ in favorem primi alicujus libri editoris expromere liceret.

SECTIO SEXTA.

De Remediis quæ contra illicitam recusionem adhiberi possent.

Crimine furtivæ recusionis justitia limites excedi, satis ut existimo huc usque a nobis prolatæ probabunt; optandum itaque esset, ut summi Imperantes in id animum intenderent, quomodo remedia efficacia huic malo, indies magis magisque ingravescenti opponere possent; Ac varia quidem excogi-

excogitari posse, nullus dubito; sequentia tantum apponere lubuit; quæ mihi meditando in mentem venere.

1. Maxime conduceret, si censor publicus, (quem virum doctum esse decet atque oportet) in quacunque civitate, e.g. Germania, Saxonia, Helvetia, illarumque regionum, quæ inter se (uti Sect. II. dictum) jure concordatus sive tacitis quibusdam conventionibus utuntur, constitueretur, qui album haberet, cui tituli librorum jam editorum, ut & nomina legitimi cujusque editoris inscripta essent, & in posterum inscriberentur, quoties novum opus edere aggrederentur; hoc modo enim, si quis censori huic librum ad censuram offerret, statim scire posset censor, an aliis ius librum hunc imprimendi aut edendi solus habeat, evolvendo album suum, ut hoc in casu censuram ei denegaret. Quo autem censor omnes libros, qui quotidie eduntur, albo suo inscribere possit, opus esset, ut is, qui librum aliquem novum ederet, per omnes civitates, ubi sic dictus Concordatus vigeret, id notum faciat, quo censor publicus id comperire possit.

2. Publice quoque interesset, ut inspectio tabernarum librariarum, officinarumque typographicarum visitatio per intervalla ex improviso insti-tueretur, ut notitia illorum librorum, qui ex locis peregrinis in civitatem importantur, habeatur; quoniam sœpe accidit, ut varia scripta, quæ claram prodierunt, in civitatem importentur, ac in tabernis librariis vellum exponantur, quæ tamen contra decorum, vel jure posthabito, quod legitimus editori soli competit, venduntur; magistratum enim, ut quarumcunque aliarum mercium, sic nec quorumvis librorum importationem publice concedere debere, optimè asserit Allesverus Fritsch; (a) ideoque expediret, legem ferri, vi cuius omnes libri, qui in civitatem aliquam in iis provinciis, quæ inter se ius concordatus observant, recusi introducerentur, si in eadem civitate liber ille aequo pretio haberi potest, fisco addicerentur;

3. Illicita recusio librorum etiam inhiberi posset, si (uti jam semel hic Basileæ factum est) honesti atque probi artis typographicæ cultores, regionum illarum, quas inter se concordantes diximus, qui plerique hodie & Bibliopolæ esse solent, ex societate sua excluderent eos, qui in officina quacunque furtivo recusori operam suam commodarunt; Neque exclusionem hanc aut potestatem hoc modo coercendi collegiatos impingere credimus in legem Imperii publicam, qua Inquisitio & diffamatio in immorigeros sodales Collegii (Germ. das Aufstreben der Handwerks-Gesellen,) prohibita (b)

D

vel

(a) In Tract. de Bibliopolis c. 2. §. 4. (b) Vid. Reichs-Policey-Ordnung, de 1548. von Handwerks-Gönnen, §. I. circa fin. & de An. 1577. Tit. 38. §. 3. nec non


vel ex eo probatur, quia illa tantum exclusio & inquisitio prohibetur, que sine justa causa, ex mera petulantia sodalium ejusdem artificii vulgo facta fuit, non vero, quæ ex jure quodam conventionali & statutis collegii, boni publici & artis mechanicae causa procedit; Neque ulla sit injuria excluso, sive a sodalibus artificii, sive a loci superiore, hunc in finem decenter implorato excludatur, cum sibi imputare debeat, quod secundum leges collegii, qui se adjunxit, fide obedientiae data, actiones suas non instituerit. Qnod autem potestas haec condendi statuta ad artificium spectantia illis competit, qui ejusdem collegii sunt, videre est ex *I. 4. D. de Coll. & Corp.* ubi dicitur; *Sodalibus, i. e. qui ejusdem collegii sunt, quam gracie etiangular vocant, potestatem facere legem, pactionem, quam velint, sibi ferre, dum ne quid ex publica lege corrumpant.* Convenit tamen confirmationem ab eo qui jurisdictionem territorialem habet, petere. (a)

4. Ad prohibendum damnum vero, quod ex recusione furtiva accipere timent probi typographi, tandem & illud haud omnino vanum repertum est remedium, publica nūm. declaratio libri, quem quis edere cupit, & sic dicta prænumeratio seu repræsentatio pretii, emptoribus certis conditionibus proposita, de qua supra q. ultima diximus.

Equidem nullus dubito, quin alia atque alia adhuc excogitari possent furtivæ librorum recusionis remedia; verum cum ea res prolixam otiosamque tractationem postuleat, & extra eos, quos mihi in hac dissertatione circumscripsi cancellos exspatietur, cætera eorum, quorum id interest magis, vel qui me ab ingenii viribus instructiores sunt, excutienda inquam.

Chur. Sächsische Lands-Ordnung, Tit. Handwerks-Leute, qua das Auffstellen der Handwerks-Gefellen, um bloßer Bezugstigung willen, verbessert.
(a) Per ea qua habet Mevius P. 3. Decis. 284.

F. I. N I S.



Plausus votivi ad Nobiliss. Dominum Candidatum.

I.

Es ist die Drucker-Kunst auf hohen Grad gestiegen,
Doch ist der Missbrauch groß; Es fehlet nicht an triegen;
Ein jeder Stümper sucht nur eitelen Gewinn,

Und damit ist gewiß der Alten Ruhm dahin;

Dein Eyfer ist gerecht; Du lehrest uns lieben,

Was nach Gerechtigkeit davon zu halten sey:

Fahy' fort dem guten Trieb der Themis nachzusezen,

Und die Gelehrte Welt mit Schriften zu ergözen.

Also hat mit wenigem seinem geliebten Herren Vetteren und
ehemaligen Discipulo, zu der rühmlich erlangten Würde
herzlich gratuliren wollen

ANDREAS LINDERUS, J. U. D.

Facult. Jurid. Assessor.

II.

Q uod studio legum noctesque diesque vacaris,
Intigitas scriptis, *suavis Amice*, tuis;

Dumque novam speciem furti pulcherrime monstras,
Quamque recusores commoda ferre putant,

Non minus innocacos hos, *Vir doctissime*, credis,
Sed potius furti criminis esse reos.

Alma tuis porro faveant modo numina coepitis;

Vive diu tandem, salvus & incolumis.

*Hoc qualiacunque sint, in signum perpetuae amicitia apponere
voluit.*

ANDREAS MERIAN, J. U. G.

III.

C onfuetum est Verbi servis, ut crimina culpent,
Quæ usu præ reliquis, esse recepta solent;

TU quoque eos sequeris, *juris Seccator & equi*,
Culpando vitium, quod nimis invaluuit;

Res, quam fecisti, certo est dignissima laude,

Perge, Deus studiis afferat auxilium.

*Hec ex animo integro Amico suo juncto primis ab annis
eruditissimo, carissimo, apponere voluit.*

J. J. P. S. M. C.

IV.

Quod species furti damnoſa recuſio librum

Sit, monſtrat doctum, ſpecimen hocce tuum;

Objiciantque recuſores, quodcunq; habebit,

Tu fures illos, nec minus eſſe probas.

Gratulor hinc ausis: pergens ſic ibis ad aſtra,

Et majora dies quaſque futura dabit.

prolixiore affectu quam carmine p.

CHRISTOPHORUS BURCARDUS,

Confit. Academ. Aſſessor.

Fieht ihr Scholaſtici Vertheidig're der Alten,

Seht wie die junge Welt der vor'gen vorzuziehn,

Wo hat ein Jüngling dort der Weisen Platz erhalten?

Und thät was Greysen ſelbst ſo gar unmöglich ſchien;

Fürwahr ihr findet es nicht, hier aber könne ihr fehlen,

Den jungen Thurneyſen dem Solon gleiche gehen.

*zu engerer Verknüpfung der von Jugend auf mit dem
gelehrten Herrn Auctore geſlogenen Freundschaft
bezeugt von dffen getreuem Freund*

E. M.

DOctorum quicunque volet pervolvere ſcripta,

Exacuet mentem, nec erit ille rudis;

Ingens hinc furgit Muſarum gloria genti,

Monſtrare ingenium qui volueret ſuum:

Nec minus illorum ſtudium celebraſte licebit,

Cūdunt qui nobis munera tanta viri;

Ad cœlum hinc chartarum ars impressoria scandit,

Quæ facili nisu talia dona refert;

Sed male ut in choro docto plagiarius audit,

Sicque recuſoris non proba fama ſonat;

Ignavo & ſegni fuco conſertur uterque,

Qui mella iuſtæ devorat alterius;

Hæc TU sub certas leges revocare ſtudebis,

Refrenare malos, & dare cuique ſuum:

Deus ut felix optato fine fruaris,

Evet id certo nomen ad aſtra tuum.

Ita cognato & preceptorि ſuo charifimo gratulatur

JOH. JACOBUS CHRIST. Phil. Laur.

